

甘寧青史略正編

楊思題
卷二

簽



內政部註冊

版權所有



不許翻印

甘寧青史略

正編廿六卷
附編十四卷

定價全部二十五元

著作者 隴東慕少堂

出版者 蘭州俊華印書館

代表人 郭偉堂

發行者 蘭州俊華印書館

東大街五十七號

中華民國二十五年十二月初版

甘肅青史略卷之二

東漢

光武帝

丙申

建武十二年冬參狼羌寇武都孔奮請兵擊走之

孔奮字君魚扶風茂陵人也王莽亂避居

河西寶融以爲姑藏令姑藏地最富饒奮在職三年力行清潔爲衆所笑以爲身處脂膏不能自潤及從融入朝諸守令財貨連穀奮獨單車就道世祖嘉其廉授武都丞時參狼羌與諸種入寇奮竭力拒守羌攻圍愈急奮遣人請救於隴西太守馬援至則羌散據羣山奮謂援曰羌之所以散據者欲老我師也我若出奇破其一餘不潰則降矣援用其策次日仰攻一山羌悉力來拒奮兵忽乘其背遂大破之降者萬餘人下詔褒美拜武都太守爲政明斷甄善嫉非郡中治平

案漢之武都卽今隴南成縣非階州也武都者山名也山以武名誌雄也雄峻都於一方稱重鎮郡因以名岷隴踞天下脊領東西漢水悉源其地爲雄聚故武都之名甯羌西固階州所在皆有然用其名郡則自漢始郡以成治實成地伊於河據按前明一統志云成西漢爲下辨道地東漢晉皆爲武都郡治漢書安帝永初間羌寇武都鄧太后以虞詡有將帥略遷守武都羌衆遮陳倉詡用增竈之計疾驅到郡破之時運道險阻詡乃自將吏士由沮至下辨燒石剪水開道數十里通漕其故跡在縣東十里飛龍峽中一可據者後桓帝時漢陽李翥爲武都太守治成化洽有黃龍白鹿嘉禾連木之瑞適開天井道以便往來民感其德磨崖作頌紀功於治西二十里魚竅峽中黃龍潭上辭高隸古歷代寶

恢復漢室興學重儒時代 後漢光

武平章帝

蘭州俊華印書館出版

爲法物而尤見稱於永叔南豐二公再可據者陽嘉初扶風馬融移守武都設降帳以授生徒今其遺址在縣西十五里廣化寺側昔時題咏甚多可據更有見於先秦者史記載始皇二十七年巡隴西北地出雞頭山註括地志云山在成都西南二十里在京西南九百六十里隗囂傳王莽塞雞頭卽此稽典籍計道塗其爲成地雞山無可疑者武都郡治在成歷歷可徵如是是奚爲而繫之乎階州也意其時階亦爲所統治而武都在其西界故是之取爾如必指階爲武都郡治也者無論階地於時爲邊屯未嘗置郡卽武都之山亦屬西固非其封內矣且不見甯羌之郡亦武都其名乎夫古今來一地而數名一名而數地詩書所載往往不乏也獨一武都也乎哉

案羅泌路史爰劍者禹初封其少子於西戎爲羌酋秦厲公時有無弋爰劍爰劍爲秦執歸南山賜支河子孫分種有犛牛種白馬種參狼種犛牛種越嶲羌也白馬種廣羌也參狼種武都羌也與苗後異漢景帝時研種留何等求守隴西塞徙之狄道安故武帝時逐諸羌乃渡湟築令居塞始置護羌校尉於涼州部曾孫忍舞子十七人爲十七種忍九子研號研種十三世有燒當代雄洮罕之間

辛丑十七年冬十二月以莎車王賢爲漢大將軍敦煌太守裴遵力爭之先是建武十四

年莎車王賢鄯善王安皆遣使奉獻西域苦匈奴重斂皆願屬漢復置都護上以中國新定不許是歲莎車王賢復遣使奉獻請都護帝賜賢西域都護印綬及車騎黃金錦繡敦煌太守裴遵上言夷狄不可假以大權又令諸國失望詔書收還都護印綬更賜賢以漢大將軍印綬其使不肯易遵迫奪之賢由是始恨而猶詐稱大都護移書諸國悉服屬焉

慕壽祺曰惟名與器不可假人晉漢武帝置大將軍以尊寵衛青東漢初光武以馮異爲征西大將軍猶不若衛青之得節制諸軍也至是以大將軍予莎車王濫矣敦煌太守裴遵諫之誠是也然印綬已頒發矣遵迫奪之釁由此生焉

壬寅

十八年設涼州部郡

涼州刺史駐冀縣管安定隴西漢陽北地武都武威金城西平張掖酒泉敦煌西海十二郡獻帝時省涼州部以并雍州

案漢武帝元朔二年改雍州曰涼州遷於冀涼州刺史駐此東漢安帝永初二年涼州大風拔樹二年涼州大饑人相食順帝建康元年春正月涼州部郡六地震桓帝延熹四年夏六月涼州地震獻帝建安十八年秋八月馬超入冀城殺涼州刺史韋康皆指隴南而言非河西之涼州郡也餘見第一卷光武建武九年隗囂死及第二卷蜀漢延熙十八年秋八月姜維退還涼州各注

乙巳

二十一年烏桓與匈奴鮮卑連兵入冠馬援擊之無功而還

先是二十年匈奴寇上黨天水扶風

馬援自交趾還聞匈奴烏桓尙擾北邊欲自請擊之十二月匈奴再寇天水等處援自請擊帝許之使出屯襄國至是代郡以東尤被烏桓之害其居止近塞朝發窮廬暮至城郭五郡民庶家受其害至於郡縣損壞百姓流亡邊陲蕭條無復人迹秋八月帝遣馬援與諸謁者分築堡塞稍興立郡縣或空置太守令長招還人民烏桓居上谷塞外白山者最爲疆富援將三千騎擊之無功而還

後漢光武皇帝

蘭州俊華印書館出版

案白山本名天山卽甘州之祁連山亦卽四域之北山郭義恭廣志西域有北山通歲有雪一名雪山括地志云山在伊州伊吾縣北二十里一名折羅漫山地理志伊州在敦煌

大磧外太平寰宇記流沙磧在玉門關外有三斷石極大呼爲三隴

又案史記索隱祁連山在張掖酒泉二郡界之上東西二百餘里南北百餘里有松柏五木美水草冬溫夏涼宜牧畜養匈奴失二山乃曰亡我祁連山使我六畜不蕃息失我焉

支山使我嫁娶婦無顏又祁連一名天山亦曰白山

慕壽祺曰鮮卑見綱目始此鮮卑者東胡也世居遼東西晉時仰慕中國衣冠取姓慕容氏至吐谷渾以馬鬪故與其弟慕容廆不合去四附陰山屬永嘉之亂西行至枹罕其孫葉延始以吐谷渾爲氏葉延之後有阿豺者曰稱驃騎將軍沙州刺史兼并羌氏號爲彊國其弟墓蹟據有罕罕乃得插帳於青海間地方數千里駸駸乎大國矣唐初吐蕃盛而吐谷渾始衰太宗猶以弘化公主嫁諸曷鉢其聲勢可知矣

夏四月安定屬國胡叛屯聚青山遣將兵長史陳訴討平之

青山胡舊居安定參縣西北建武初被

慮芳將賈覽誘惑與匈奴葉韃日逐三時起而爲亂行北地太守事馮異擊破之至是復叛討而平之者長史陳訴也

案參縣漢之縣名卽今環縣屬前漢安定郡慶陽府志環縣古參縣主安定騎都尉後漢書注以參縣爲參樂劉攽辯之甚當至以青山在慶州馬嶺縣西北一語與漢時輿地不

合蓋參繇屬安定郡馬嶺
屬慶陽府此又不可不知

慕壽祺曰邊疆戎患時恆有之視處分之人何如耳當夫弄兵伊始一長史撲之而有餘
燎原已成十萬師取之而不足自古養寇自重誤國殃民大抵皆閫外之將軍也陳訴者
足以風矣

西域十八國遣子入侍請都護敦煌太守裴遵以狀聞

莎車王賢浸以驕橫欲兼并西域數攻諸國諸國愁

懼車師前王鄯善焉耆等十八國俱遣子入侍願得都護帝以中國初定北邊未服皆還
其侍子厚賞賜之諸國聞都護不出而侍子皆還大憂恐乃與敦煌太守檄願留侍子以
示莎車言侍子見留都護尋至冀且息其兵裴遵以狀聞帝許之

丙午二十二年西域復請都護不許遂附於匈奴

西域諸國侍子入留敦煌皆愁思亡歸莎車王賢知都護不出擊破鄯善

攻殺龜茲王鄯善王安上書願復遣子入侍更請都護都護不出誠迫於匈奴帝報曰
今使者大兵未能得出如諸國力不從心東西南北自在也於是鄯善車師復附匈奴

班固曰孝武之世圖制匈奴患其兼從西國結黨南羌乃表河曲列四郡開

玉門通西域以斷匈奴右臂隔絕南羌月氏單于失援由是遠遁而漠南無

匈奴之族雖曰
逐水草遷徙不
常然亦擇形勢
便利據一地以
為之庭是為漠
南王庭猶中國

恢復漢室興學重儒時代 後漢光

武至章帝

蘭州俊華印書館出版

甘寧青史略正編卷二

六

之有京邑也邊
戰爭游獵則隨
事而出事已伊
歸其舊其設險
據要略與中國
同

東西南三面之
夷皆以有城郭
爲固至於北狄
則以不立城郭
爲武輕安悍頭
句奴輕疾悍頭
之兵也至如颶
風去如收電居
處難得而制漢

土庭矣然通西域近有龍堆遠則葱嶺身熱頭痛懸度之阨淮南杜欽楊雄
之論皆以爲此天地所以界別區域絕外內也西域諸國各有君長兵衆分
弱無所統一雖屬匈奴不相親附匈奴能得其馬畜旃廩而不能率與之進
退與漢隔絕道路又遠得之不爲益棄之不爲損盛德在我無取於彼故自
孝武以來西域思漢威德咸樂內屬數遣使置質於漢願請都護聖上遠覽
古今因時之宜辭而未許雖大禹之序西戎周公之讓白雉太宗之卻走馬
義兼之矣

壬午

二十八年秋北匈奴遣使詣武威乞和親許之

先是建武二十七年北匈奴遣使
詣武威求和親帝召公卿廷議不

決皇太子言曰南單于新附北虜懼於見伐故傾耳而聽爭欲歸義耳今未能出兵而反
交通北虜臣恐南單于將有二心北虜降者且不復來矣帝然之告武威太守勿受其使
是歲復遣使貢馬及裘更乞和親並請音樂又求率西域諸國胡客俱獻見帝下三府議
酬答之官司徒橡班彪曰臣聞孝宣帝敕邊守尉曰匈奴大國多變詐交接得其情則却

齊有城郭城郭有諸國
有城郭則其行
國城則不立城郭
國以馬爲國
君而馬上爲國

敵折衝應對入其數則反爲輕欺今北匈奴見南單于來附懼謀其國故數乞和親又遠
驅牛馬與漢合市重遣名王多所貢獻斯皆外示富強以相欺誕也臣見其獻益重知其
國益虛歸親愈數爲懼愈多然今既
未獲助南則亦不宜絕北帝從之

案西漢末新莽篡位匈奴乘中國內亂侵略中國北邊及光武中興匈奴又

內亂國分爲二一部分降漢移居河套

現在綏遠持區之五泉縣

是爲南匈奴一部分留

住漠北與南匈奴互相攻擊是爲北匈奴後至和帝永元三年大將軍竇憲

破北匈奴北匈奴西走移入歐洲是爲後世匈加利王國及當代匈加利共

和國之祖南匈奴徙居河套至獻帝建安二十一年

西歷紀元二一六年

單于呼屠泉

入朝魏王曹操留之居鄴

今河南安陽縣

是爲西晉末年亂華禍首劉淵之祖

丙辰建武中和元年武都參狼羌反隴西太守劉盱擊敗之

羌反殺掠吏人武都太守與戰不勝盱遣從事

辛都監軍椽李苞將五千人赴武都與羌戰斬其酋豪首虜千餘人時武都兵亦更破之

恢復漢室興學重儒時代 後漢光武至明帝

關州俊華印書館出版

案西羌傳是時西羌渠帥滇吾轉盛常雄諸羌每欲侵邊者滇吾轉教以方略滇吾者滇良子也滇良者燒當之玄孫也羌無弋爰劍種五世至研研最豪健自後以研爲種號十三世至燒當復豪健時前漢元帝朝也其子孫更以燒當爲種號居河北大允谷建武末滇吾立

慕壽祺曰東漢羌禍於是乎始矣夫羌人生長西陲城保要害攻守險易謀之熟而知之深矣一爲風塵在邊帥則調發兵戎最速在旬朔外醜虜則係繫人畜所掠在旦夕間此其勢似未易鋤耨幸此時中興宿將猶有存者王師所至虜亦歸巢凌夷至於和帝安帝兩朝將臣閉壁憚戰邊人拱手受禍羌人實力較明帝時爲更强矣馴致園陵被焚關隴不痛哉

丁巳二年秋燒當羌寇隴西塞太守劉盱與謁者張鴻皆爲羌所敗

羌滇吾與弟滇岸率步騎五千

寇隴西塞劉盱遣兵於枹罕擊之不能克又戰於允街爲羌所敗殺五百餘人於是守塞諸羌皆復相率爲寇遣謁者張鴻領諸郡兵擊之戰於允吾唐谷軍敗鴻擊羌於隴西長史田颯皆沒又天水兵爲牢姐種所敗於白石死者千餘人

案允吾音鉛牙漢縣屬金城郡明一統志謂允吾在蘭州西南五十里州志遂以今之西古城當之按允吾在黃河之北清屬涼州地西古城在河南非其故址也方輿紀要杜佑曰允吾在廣武西南一云在今蘭州西南五十里是也其在州西北二百里者則隋時改廣武郡所置之允吾縣在枝陽故縣境與莊浪衛接界非漢允吾縣境

東漢一代先零
時常乘機作亂
其族最當先零
二族最當先零
略至河東漢
中東至河東漢
內陝甘二省全
境屢被兵燹朝
廷雖數發大兵
討之勞費經年
卒難撲滅

此卷由明帝以
至桓靈則根據
前漢書蜀魏交

案史光武名秀前漢景帝六世孫新莽篡位起自南陽與兄續誅莽恢復炎祚是為東漢
建武元年十二月丙戌赤眉殺更始衆請光武即位改元建武後又改為中元在位三十
二年以中元二年春二月帝崩於南宮前
殿年六十四歲太子莊立是為漢明帝

明帝戊午永平元年秋七月遣中郎將鄧固捕虜將軍馬武等擊燒當羌於西郡

大破之羌酋滇吾敗劉盱於隴西張鴻軍又敗沒此中元二年事也是年冬十一月
命固與武將四萬人討之至是滇吾遠引去餘悉散降徙七千口置三輔

案羌自無弋爰劍之後五世至研研最豪健自後以研為種號又十三世至燒當復豪健
子孫遂更號燒當初燒當豪演良擊破先零奪居其地演良卒子滇吾與弟滇岸率衆寇
隴四於是守塞諸羌皆叛詔謁者張鴻擊之鴻軍敗沒乃遣馬武將四萬人討之
在光武中元二年至是燒當羌復叛仍遣將軍馬武等擊之已破燒當餘羌皆散走

以謁者竇林領護羌校尉居狄道林為諸羌所信而滇岸遂謁林降林為下吏所欺
謬奏上滇岸以為大豪承制封為歸義侯加號漢

大都尉年演吾復降林復奏其第一豪與俱謁獻見帝怪一種兩豪疑其
弄實以林林辭窮乃偽對曰滇岸即滇吾隴西語不正耳帝窮驗知之

己未二年夏免竇林職以謁者郭襄代領護羌校尉事林以詐免官會涼州刺史又奏
林賊罪下獄死以郭襄代領校

尉事襄到隴西聞涼州羌盛還詣闕抵罪於是復省校尉官時滇吾子
東吾立以父降漢乃入居塞內謹愿自守而諸弟迷吾等數為寇盜

西羌猖獗匈奴衰弱時代 後漢明
帝至順帝
蘭州俊華印書館出版

甘寧青史略正編卷二

十

其骨自作者志吳
故世是者惟則
人君一不戰根
那身律無時據
得有更錯地三
知仙改誤理國

慕壽祺曰昔者軒皇北逐唐帝南征殷后東戴周王西狩皆所以禦其侵亂使其不得入內地耳燒當羌初居大允谷逮其後種類愈繁塞垣廣關東吾入居內塞得知虛實塗炭黎元論者比之匈奴信然蓋匈奴熾於隆漢西羌猛於中興至靈獻之間二虜迭盛豈天之冥數以至於此乎

王十五年冬遣都尉耿秉竇固將兵屯涼州

謁者僕射耿秉數上言請擊匈奴上以顯親侯竇固嘗從其世父融在河西明

習邊事乃使秉固與太僕祭彤虎賁中郎將馬廖下博侯劉張好時侯耿忠等共議之耿秉曰昔者匈奴並左衽之屬故不可得而制孝武既得河西四郡及居延朔方羌胡分離唯有西域俄復內屬故呼韓邪單于請事款塞其勢易乘也今有南單于形勢相似然西域尚未內屬北虜未有警作臣愚以為當先擊白山得伊吾破車師通使烏孫諸國以斷其右臂伊吾亦有匈奴南呼衍一部破此復為折其左角然後匈奴可擊也上善其言議者或以為今兵出白山匈奴必並兵相助又當分其東以離其衆上從之十二月以秉為駙馬都尉固為奉車都尉以騎都尉秦彭為秉副耿忠為固副皆置從事司馬出屯涼州

案應劭風俗記漢武元朔二年改雍州曰涼州以其金行土地寒涼故也遷於冀晉初始徙治此後漢書注涼州城昔匈奴故蓄藏城後人音訛名姑藏初學記姑藏城不方有頭尾兩翅名蓋鳥城顯親漢縣名屬天水郡故城在今秦安縣居延即今甘州朔方注見武帝元朔二年立朔方郡白山即祁連山注見武帝元狩二年霍去病擊匈奴又見光武建武二十一年南呼衍史記匈奴傳南部有呼衍氏索隱曰常與單于婚姻蓋其貴種也下博好時皆漢縣名

癸酉十六年春二月遣將軍竇固耿忠率河西兵伐北匈奴固取伊吾盧地

上遣太僕

祭彤與度遼將軍吳棠將河東西羌胡及南單于兵萬一千騎出高闕塞竇固耿忠率酒泉敦煌張掖甲卒及盧水羌胡萬二千騎出酒泉塞耿秉秦彭率武威隴西天水募士及羌胡萬騎出張掖居延塞騎都來苗護烏桓校尉文穆將太原雁門代郡上谷漁陽右北平定襄郡兵及烏桓鮮卑萬一千騎出平城塞伐北匈奴竇固耿忠至天山擊呼延王斬首千餘級追至蒲類海取伊吾盧地置宜禾都尉留吏士屯田伊吾盧地耿秉秦彭擊匈奴王絕幕六百餘里至三木樓山而還來苗文穆至匈奴水上虜皆奔走無所獲祭彤吳棠坐不至涿邪山免為庶人時諸將唯固有功加位特進明年復出玉門擊西域詔耿秉及騎都尉劉張皆去符傳以屬固固遂破白山降車師

案伊吾漢縣名屬伊州本匈奴伊吾盧地故城在伊州統職縣境即今哈密明帝置宜禾都尉以為屯田故地其地在敦煌郡北大磧之外為西北諸胡往來要路漢明帝取其地為屯田兵鎮之所後魏置伊吾郡旋為胡戎所據唐初內附置西伊州尋改伊州或為伊吾郡五代時號胡盧磧小月氏遺種居之宋時伊州將姓陳氏其先自唐初領州凡數十世元有忽納失里者封威武王卒弟安克帖木兒嗣明初遣使入貢詔設哈密衛改封安克帖木兒為忠順王世襲其封

案伊吾盧地名今新疆哈密縣地初為匈奴呼衍王庭漢既破呼衍即其地置宜禾都尉以為屯田而通西域後漢書注云今伊州納職縣伊吾故城是也太平御覽云宜禾縣屬敦煌郡晉昌名郡在後唐曰伊州伊吾郡兼置伊吾縣五代時號胡盧磧明為哈密衛

西羌猖獗匈奴衰弱時代 明帝至順帝

蘭州俊華印書館出版

案蒲類海一名蒲內海源出天山北麓繞海多良田漢時屬庭州蒲昌縣在今新疆吐魯番西南一名婆悉海一名鹽澤周四百里葱嶺于闐以東之水皆注於此漢張騫通西域度玉門見二水交流發葱嶺趨海闐鹽澤伏流千里至積石而再出今名巴爾庫勒海在舊鎮西府城西北十五里後漢寶固擊呼衍王追至此

慕壽祺曰諺云關西出將信哉即以寶固論生長關西習兵壯勇非一朝夕故矣嘗攷寶融譜牒其高祖父爲張掖太守從祖父爲護羌校尉從弟亦爲武威太守累世在河西知其土俗融以軍功封建武男及爲河西太守數與羌人戰其弟友從光武征隗囂以功封顯親侯卽固之父也今固立功異域克光前烈後章帝建初三年校尉耿恭上言寶固前擊白山功冠三輔宜使之鎮撫涼郡帝可謂用得其人矣

案明帝名莊光武子在位十八年改元一曰永平永平富教之事綱目屢書於策匈奴遣子入學前代所無也帝以永平十八年秋八月崩於東宮前殿年四十八太子烜立是爲漢章帝

章帝丙子建初元年春酒泉太守段彭大破車師於交河城上不欲疲敝中國以事夷狄乃迎還戊己校尉

不復置都護

以度遠將軍吳棠領護羌校尉居安夷後移居於臨羌時安夷縣吏略妻卑滴種羌婦更爲其夫所殺安夷

長宗延追之出塞種人恐見誅遂共殺延而與勒姐及吾良二種相結為寇隴西太守孫純遣從事李睦及金城兵會和羅谷與卑湍等戰斬首虜數百人故以棠為校尉初居安夷

案一統志安夷故城在西甯縣東七十里漢置屬金城郡後魏廢水經注湟水東經安夷縣故城北城有東西二門去西平亭東七十里駟曰四十里臨羌縣名漢置屬金城郡晉屬西平郡水經注湟水東經臨羌縣故城北後魏縣廢隋大業四年吐谷渾為鐵勒所破走入西平界求救詔宇文述出西平迎之述至臨羌吐谷渾遁即此故城在西甯縣西

丁丑二年夏迷吾聚兵出塞金城太守郝崇追之戰不利郡兵大敗崇輕騎得脫死者二千餘人

以武威太守傅育代為護羌校尉時諸種羌與盧水胡悉與迷吾相應護羌校尉吳棠不能制坐徵免以育代其任移居臨羌

戊寅三年春將軍馬防校尉耿恭擊燒當羌大敗之傳育既為校尉迷吾又與封養種豪布橋等五萬餘人共寇隴西漢

陽此二年秋八月事也於是遣行車騎將軍馬防擊之初長水校尉耿恭上疏言方略乃遣恭將五校士三千人副車騎將軍馬防討西羌恭屯枹罕數與羌接戰至是大破之臨洮迷吾索西等悉降乃築索西城徙隴西南部都尉戌之未幾防還京師恭留擊諸未降者首虜千餘人獲牛羊四萬餘頭勒姐燒何羌等十三種數萬人皆詣恭降初恭出隴西上言故安豐侯竇融昔在西州甚得羌胡腹心今大鴻臚固即其子孫前擊白山功冠三軍宜奉大使鎮撫涼郡今車騎將軍防屯軍陽以為威重由是大忤於防及防還監營謁

者李譚承旨奏恭不憂軍事被詔
怨望坐徵下獄免歸本部卒於家

案水經注蘄城東北三百里有層城城臨洮水建初三年羌攻南部都尉於臨洮上遣行
車騎將軍馬防與長水校尉耿恭救之諸羌退聚洮陽卽此城也太平寰宇記西安城東

有西蘄城因山爲
名可容八百餘人

案後漢書西羌傳建初三年燒當羌寇隴西馬防討破之築索西城徙隴西南部都尉戍
之魏志臨洮郡領赤水縣赤水在洮州東北卽古索西城亦曰臨洮東城周隋間廢明一
統志索西故城在
衛東北九十里

慕壽祺曰馬防以外戚之親偕耿恭將兵擊羌仗節邊庭本無克獲之功幸而召還言事
者仰承風旨劾恭不憂軍事帝亦不察而下之獄蓋防忿恭鷹犬竇固以奪其權也昔趙充
國辛武賢同擊羌湟中已而遣武賢歸酒泉獨留充國屯田罷兵武賢以充國功出已上
其憤恨時媒孽其短是豈無故哉充國以言事忤武賢其召禍與耿恭同幸而宣帝聖明
耳夫居同里閭者
尙如此况外戚乎

甲申

元和元年武威太守孟雲上言北單于願與吏人合市詔可

詔書聽雲遣驛使
迎呼慰納之北單

于乃遣大且渠伊莫訾等驢牛
馬萬餘頭來與漢賈客交易